



Projet promovût di 'La Vôs dai Furlans' e 'ARLeF'

Lu saveviso che...?

VOSUTIS TE SACHETE!

La cjançon de setemane



"Vuarda difûr, al è dut scûr. La luna, lis stelis a son clupadis, par fâti durmî...!"

Cjantin insieme "L'Orcolat" su



Tal Santuari de Madone di Gracie a Udin, si viôt une armadure antighe di un cavalîr, cun doi cuarons di diaul tacâts sul elm. La liende e conte che une volte un zovin burlon al à doprât cheste "mascare dal diaul" pal Carnevâl, lant ator pe citât a meti pôre ae int. Finît di fâ scherçs, però, nol à plui rivât a gjavâsi il mascarament! Disperât, al preà la Madone di Gracie, che i à dât la gracie, salvantlu. Di chê volte la armadure e je te glesie, par ricuardâ chel fat.

Cumò fâs tu!

Cjale ben: dome une strade e puarte al cjistiel dal drâc. Cuâl sarà il cavalîr che al rivarà a sfidâlu?



Piture il dissen



Ridi a plene panze!

Plui al è grant e mancul si viôt. Ce isal? Il scûr!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. Tal lavôr tu stâs frontant cuistions imberdeadis, ma tal amôr e je dute une altre musiche.



Taur. Tu preferissis no fevelâ cun chei altris dai tiei problemis, no je la strade plui comude.



Zimui. Tal lavôr tu rivis a meti in pratiche lis tôs cognossincis e i coleghis ti disin gracie.



Gjambar. Tu sês sflandorôs, plui tal lavôr che tal amôr, ma l'an che al ven dut al cambie.



Leon. Viôt di vê plui cure dal to cuarp. Tal lavôr sclarissiti cui coleghis suntune cuistion che e je restade ingropade.



Vergjine. Sta plui dongje a fradis e amis parcè che a podarissin dâti il consei just.



Balance. In amôr tu stâs une vore ben cun cui che tu âs dongje. Chest ti fâs vivi in ligrie.



Sgarpion. Il cjâf al svolle indaûr tal timp, tu ti impensis di personis che no tu viodis di un pieç: e je ore di clamâlis.




Sagjitari. Tu stâs frontant cuistions une vore griviis in famee no stâ a imponi masse il to volê.



Bec di mont. Lis stelis no ti judin e dentri di te ti fasin ingrumâ une vore di pinsîrs bruts.



Agarûl. La int par denant ti riduce e par daûr e fevele mâl di te, no stâ a cjapâte e mostre di jessi plui fuart di ducj.



Pes. No stâ a cirî lusignis e reste cui pîts par tiere, come che tu âs za fat timp indaûr.